

luta nondum fit curatio alia occasione
eorum historias referam.

C A P U T III.

DE ACONITO.

AConitum alias dicitur *napellus* flore
cæruleo, cucullato &c. est aconi-
tum *linæi* foliorum laciniis linearibus,
superne latioribus, linea exaratis, spec.
plant. pag. 532.

Planta hæc inter summa venena huc
usque recensebatur.

Attamen celeb. *linæus* vidit in parte
sueciæ septentrionali folia hujus her-
bæ, pauca pinguedine cocta, impune co-
medi a muliere, marito, duobus liberis
& alia vetula. *Flora lapon.* pag. 179.

In hortis plerumque culta fuit, ut or-
namento esset. E 3 De

De experiundis hujus plantæ viribus
jam per plures annos cogitavi; deerat
autem occasio, & necessarii labores me
in aliis nimium detinuerunt.

His autem nunc aliquantulum in or-
dinem redactis, momenta quædam repe-
rui, in quibus me huic operi dare pote-
ram.

Experimenta, ut rite fierent, & sine
præjudicio, delevi omnem in me ideam,
quam habui ex auctoribus materiæ me-
dicæ, id tantum retinui: plantam esse
suspectam.

Sola igitur natura monstrante viam,
& ratione simplici duce sequentia ten-
tavi:

Herbæ folia & caulem redegi in pul-
verem.

Pulveris hujus paucam quantitatem
linguæ imposui, ardor inde excitabatur
linguæ diu inhærens, & momentanei, va-
gi, lancinantesque dolores linguam sæ-
pius pervadebant, nil autem inde mali-
secutum est, pulvis supra lingua per bi-
na minuta relictus nec attulit inflamma-
tionem, nec induxit rubedinem.

Quamdiu in lingua ardor mansit, tam-
diu copiosa affluebat saliva, cæteroquin
nil prorsus incommodi advertebatur.

Inspersi dein hunc pulverem ulceri
cancroso, fungoso, visurus: an vim cau-
sticam consumentem haberet.

Primo die levis oriebatur suppuratio,
& æger nullum dolorem, nec ardorem
conquestus est.

Secundo, tertio, quarto, & quinto
die idem observatum fuit, neque fungo-
sum inde consumebatur. Li-

Licuit igitur hinc concludere vim caustam & deleteriam hujus plantæ non adeo violentam esse.

Atque ideo succum expressi, lento-
queigne (methodo consueta) extractum
paravi.

Hoc linguæ impositum levissimam
tantum titillationem excitabat.

Quum autem putarem, linguam fors-
jam hisce ob multiplicem experientiam
assuetam esse, nec debito modo affici,
tunc granum unum hujus extracti, po-
sui intra palpebram inferiorem oculi
dextri.

Nec inde afficiebar aliter ac a quocun-
que corpore heterogeneo.

Postquam illud per bina minuta reli-
quissem, copiosæ quidem lacrymæ pro-
fluxerunt, nullus autem peculiaris ardor
advertebatur.

Aqua

Aqua pura illud dein elui, & nec unquam quid molesti observavi.

Factis his experimentis, tentavi, quid hoc extractum faceret corpori ingestum, deglutitum.

In hunc finem conficiebatur sequens pulvis.

R. Extract. Aconit. gr. ij.

Sacch. alb. dr. ij.

Misce & contere diu in mortario marmoreo, ut fiat pulvis subtilissimus.

Sumfi ex pulvere mane jejuno ventriculo grana sex; sedulo intentus, quidnam in corpore fieret.

Verum nullam mutationem, nil infulti observavi.

Secundo die sumpfi grana octo, & nec inde afficiebar.

Idem expertus sum tertio die, dum grana decem deglutivi.

Ex

Ex his audacior factus, quarto mane sumpsi grana viginti hujus pulveris.

Nulla inde actio corporis turbabatur, id tantum adverti extrema totumque meum corpus præter consuetudinem toto die multum transpirare, madere.

Quinto die eandem iterum dosin sumsi, & idem observavi, quod die quarto.

Sexto die idem.

Idem & septimo.

Octavo die abstinui i pulvere, & tunc madorille, prioribus diebus observatus, non aderat.

Nono die sumsi iterum grana viginti hujus pulveris, & eodem die fui in continuo madore.

Idem mihi contigit die undecimo, duodecimo, & decimo tertio.

Die

Die decimo quarto nil assumi & contigit prorsus idem, quod observavi die octavo, & nono.

Licuit igitur ex his concludere.

1mo pulvere in hunc promovere transpirationem, sudorem.

2do cum nil in me turbarit: eum tuto posse exhiberi ægris incipiendo ab exigua dosi.

3to. Convenire in iis morbis, ubi mäteries peccans per vias sudoriferas potest expelli.

Eodem tempore dum hæc meditabar, inter meos ægros habui sequentem cäsum.

EXPERIMENTUM I.

Homo, triginta aliquot annorum, mense Octobri 1761. febre tertiana laboravit.

Cu-